

Dz glück deile vngleich güt/vñ rich
Aber der dot macht es alls gleich
Der ist ein richter/der gantz nyet
Etwas abloßt/durch yemans byt
Der ist allein der all ding lout/
Der ist/der nye kein ye hat gschont
Nye kein gehorsam er ye wart
Sie müsten all vff sine fart
Vnd dantzen in nach sine reygen
Best/keiser/künig/bischoff/seyen
Der mächer noch nit hatt gedacht
Das mā de vordantz in hat bracht
Das er müß dantzen an de götter
Den westerwelder/vnd den dötter
Vett er sich vor dar zu gerüst
Er wet nit so stümpfling erwüst
Dan manch groß nar ist yetz do hin
Der sog hatt vff die greubis sin
Vnd leit dar an so grosses güt
Das es noch machen wundern düt
Als Mausolum das trin man
Arthemysia hatt gemachen lan
Vnd so vil kosten dran geleit
Mit grosser zierd/vnd eylichkeit
Das es der siben wunder eins
Ist/die man fürdt in erden kreis
Ouch greber in Egypten lant
Die man pyramides hat genant/
Vor vß als Chemis macht ei grab
Dar an er hencke sin güt vnd hab
Do drümal hundert tusent man
Vnd sechzig tusent wercken an
Dan er vmb freit gab also vil
(Der ander kost ich schwigen will)
Zetn fürsten ich so rich yetz halt
Der das allein möcht han bezalt/
Des gleich ouch Amasis in macht

Wie Rhodope/ hatt eins volbrachte
Das was ein groß dorheit der welt
Das man leit ein so mechtig gelt
An geber/Do man würffet hyen
Die esch secl/vnd die schelmenkein
Vnd gab so grossen kosten vß
Das mā den würmē macht ei huf
Vnd durch der selen willen nüt
Düt/die doch leben müß all zyt/
Die sel hilfft nüt ein köstlich grab
Oder das mā groß marmel hab
Vñ vff heck schilt/helm baner groß
Hie byt ein herr ist woppens guos
How mā in dan in einen stein/
Der recht schilt/ist ein dottenbein
Dar an würm/schlange/krotte nagē
Das woppen/keiser/buren/tragen
Vnd wer hie zücht ein feyße wanst
Der spist sin wappner aller langst/
Do ist ein vechten/eyssen/brechen/
Die fründ sich vñ das güt erstechē
Welcher es gantz behalten weil
Die tüfel sint gewiß der sel
Vnd düt mit der wußt triuphiere
Von ein bad in das ander furen
Von ytel kelt/in ytel hitz/
Wie menschen leben gantz on witz
Das wir der sel/nit nemen war
Des libs wir sorgen yemer dar/
All erd die ist gesegnet gott
Wol byt der/der do wol ist dott
Der hymel manchen dotten deckt
Der vnder keynerstein sich streckt
Wie künig der han ein schöner grab
Dem das gestirn lücht oben ab
Wer wol stübe dz grab ist dez höbst
Der sinder dot/der ist der böst ꝛc